

槐江詩鈔
夏



04218

槐江詩鈔卷之二

休寧程瑞祜姬田著

九龍潭

軒后丹成仙谷裂玉龍長在寒空咽
夜半風生起怒濤飛泉捲出千秋雪
神物夭矯難端倪蜿蜒凌空偏曲折
陽水不冶晝常寒陰火飛騰天不熱
仰面遙看萬斛珠長蘿打就山腰結
一潭秋水一房雲龍蛇那處重分別

題建州署壁武夷山圖

槐江詩鈔

卷之二

一

鼓棹入建州武夷常在念覽志到方輿
靈輿隔鄉縣有客揮毫寫作圖
峰峰盡向屏間見溪流一曲復一山
彷彿烟光千百變裂石穿雲不可聽
蒲帆風引飛片片重巒洞壑幽且深
金闕銀樓何代建繪來四壁盡烟雲
直爲此山開生面裹糧那用費
攀躋卧遊頃刻山將徧

玩月

暑退樵樓恰四更浮雲散盡廣寒清
漆園枉作殘宵夢辜負銀河好月明

寄黃在中柏山禪房

河梁春杪傷離別，江國秋深動客愁。
剩有孤懷憑曉夢，慚無好句付鄉郵。
歸雲夜度松溪早，翠竹斜遮古寺幽。
是我髫年棲息地，羈魂常繞萬峰頭。

小飲

小飲成高會，情真意亦真。
曉窗雲待客，山館月留人。

惰農曲

寄示三兒世編
四兒世續

力田望有秋，惰農慳種作。
阡陌恣嬉遊，播種冀收穫。
瘠土東郊千頃餘，炎炎赤日尚犁鋤。
秋成偏比膏腴，槐江詩鈔
卷之二
二
好井稅官租，快自如惰農。
見之心煩熱，雨澤郊原原未絕。
我傷歲儉，彼年豐，吁嗟不識勤惰別。

留別雪崖先生

又復增離緒，辭君返故山。
風塵愁我拙，身世讓人閒。
路出三衢近，家從兩浙還。
踟躕悵分手，後會恐應艱。

其二

問業公餘暇，時時愜所聞。
行春朝聽政，燒燭夜論文。
醉折芝城柳，晴歸練水雲。
從來膠漆誼，不比悵離群。

其三

榻下東軒久連旬愧受餐清操爲政簡古道照人難
晴日鶯聲好深山客夢寒到家花信後尚得及春殘
其四

鄉關難久住復作北遊人歲月催雙鬢江湖了一身
未行愁已亂將別語還頻再入都亭去論詩少問津
穀雨留別署中諸同人

蓮幕快追隨連旬風雨時無心成雅會借酒結深知
月到中宵看鄉同五夜思人生重意氣慷慨是臨岐

其二

槐江詩鈔

卷之二

三

西堂頻剪燭笑語任詼諧共倒杯中物同開客裏懷
依人憑彩筆過嶺仗青鞋惆悵孤踪去今宵泊水涯
其三

傾蓋旋言別何期聚浹旬江湖流浪客風雨遠歸人
夢繞千山路花留幾日春茫茫還後會不用暗傷神
集思堂對雨

風入重簾緊棉衣尚覺單新晴連日暖陰雨霎時寒
氣候南天異心知客路難杜鵑開正好閒眺一凭欄
將歸江左雪崖先生再留數日賦謝二首

不聽輕歸去臨岐緩束裝留歡情可感投轄意難忘
別酒先時醉離情去後長關河雖阻隔夜夢到君旁
其二

欲去頻回首將歸懶出城感君真摯誼添我別離情
驛路寒多兩郵亭曙聚鶯慙懃重携手努力向春明
馬金嶺

遊山愛著登山屐歷盡蠶叢憚行役崔嵬忽見一峰
來高高去天僅盈尺巉巖險峻各稱奇疏鑿不識何
年闢支笻彳亍強躋攀欲行未行力已竭霎時綿亘
槐江詩鈔 卷之二 四
如掌平霎時森峙如交戟萬丈層厓海樣深千重鳥
道羊腸窄山盡只疑無路通隱隱行人出石隙強扶
竹杖陟層巔暫脫芒屨憩危石到此應知行路難猿
狖飛鳥亦難越

再過江郎山

簇簇群山高復低巍然峭壁插天齊蒼松直長雲根
上碧蘚新生瀑水西洞裏採樵人化石巖前滌硯客
留題再來考據渾難信古廟荒涼野草淒

過窰嶺

寒雨侵征袖酸風慘客顏崖懸烟漠漠澗落水潺潺
險讓猿狖上高看鶴鶴還孤亭留嶺表暫憩莫辭閒
小竿嶺朗上人相邀茶話

雨氣晝濛濛人行積翠中千山程尚遠雙足力初窮
苦茗勞僧供香厨許客同秦關看飛錫鄉夢萬緣空

小憩天一亭

在仙霞嶺頂亭前有池寬廣數畝寺僧介上人
出紙筆留題係之以詩

絕頂懸空闢龍宮架亂松巖巒殊曲曲樓閣却重重
槐江詩鈔 卷之二 五

水漾深池碧烟浮老樹濃開簾長眺望眼底起千峰

江山縣

閩越襟喉地當時苦戰爭人家凋敝久城郭亂離傾
兒女他鄉夢芹蔬故友情山程須早發的的聽雞鳴

嚴灘

青山烟雨一江寒遯跡惟期老釣竿處士風高辭聘
易故人情重不臣難犧牛入廟原如幻野鶴乘雲儘
自寬貴不易交惟白水客星終得照嚴灘

西安道中聞

聖駕南巡恭賦迎鑾曲

雨止雲開見暮霞春光留得在桃花夜來開府樓船
下特向江頭候翠華

其二

扈從重教減羽林東南民力厯天心深宮睿慮明如
鏡更勅中丞播玉音

其三

盛世重聞擊壤歌九重厯念是黃河臨流特地傳
方略鮫室龍宮水不波

其四

槐江詩鈔

卷之二

六

天教涿水浸淮揚賑粟年年累太倉今歲蒙 恩全
免却流亡知復樂耕桑

其五

鳳艦乘流到竹西平山堂畔柳新齊江天一望烟雲
濶初地還沾 御墨題

其六

曙光初曉禁城開夾道齊看 萬乘來劔佩兩行遙
扈從紅橋瑞氣滿樓臺

其七

宸遊最愛是金山萬里波光面面環鳳藻只今懸
御座山靈重喜覲 天顏

其八

兩度巡遊到虎邱千人石畔一停舟蟾光專爲 君
王吐萬里清輝徹九州

其九

麗日和風漾碧波昇平時節画船多姑蘇一夜花齊
放只候 君王翠輦過

其十

槐江詩鈔

卷之二

七

三春最好是西湖桃李新栽幾萬株一陣香風來水
殿霓旌初過画欄扶

其十一

翠幃從容過六橋 御爐香送馬蹄遙停鞭試上蘇
堤望淺碧垂楊萬萬條

其十二

旭日江頭看射潮 龍旂飛渡百靈朝錢塘自此光
華甚一路笙歌徹碧霄

其十三

蘭亭花鳥媚晴烟
榆莢春風上巳天
巡幸自留宸翰在
風流不數永和年

其十四

駐蹕重尋桃葉渡
搖鞭醉問六朝松
烏衣巷口人如蟻
翠袖垂簾看六龍

其十五

行殿春深禁漏遲
堯天舜日是昌期
果然玉輦千官過
不向民間擾一絲

其十六

槐江詩鈔

卷之二

八

飄泊江關一小臣
五年遙別帝城春
疎慵愧乏甘泉賦
稽首南天頌聖人

泉賦稽首南天頌聖人

閩旋喜吳青霞過訪時吳自燕歸

相逢那用朔寒温
各出新詩互討論
生事日嗟吾輩拙
騷壇久讓一人尊
晨星舊友懷京洛
夜雨清樽到葦門
爾我浪遊何處好
不如觴詠老山村

白岳

名山開闢自何年
樹隱元宮勢若懸
碧瓦常浮秋磴日
爐峰不斷曉鐘烟
雲歸石洞通雙闕
雨過珠簾掛

半天靈境東南殊未到安知跨海問神仙

訪張三丰遺址

雲擁層巒衆壑偏石牀木枕卧神仙庚申幾度何須
問甲子重逢不記年洞口小桃紅似錦巖前古柏翠
於烟夕陽嶺上松風起疑是吹笙向碧天

將遊黃山東二三知己

海內數名山神秀推黃海峰巒邁寰區軒皇遺跡在
幽興懷攀躋瞬息驚十載山容尚如初人嗟蓬鬢改
及此不行遊躑躅將何待蕭晨風日佳雲霞炫奇彩
槐江詩鈔 卷之二 九
呼友曳杖藜躡屐探前海

其二

平生遇名勝往往窮幽討况茲六六峰邱壑類蓬島
氣爽天復清遊眺當及早石徑路嶮巖仗此芒鞋好
岫峴雲自開落葉風自掃不用裹餽糧籃輿百里道
行行速登車轉盼秋光老

其三

靈秀冠神州四海爭翹企攬勝命巾車千里常至止
歎我鄉關人終歲不一至苦爲塵網羈半受尚平累

垂老竟蹉跎此志托夢寐百里良非遙所願亦易遂
呼童負奚囊濟勝具已備郵函達故人稅駕莫疑貳

其四

策杖獨行遊烟霞興頗切秋光正宜人適近重九節
爲樂當及時流光如電掣勝地迥超凡百里乾坤別
少小慕神仙吾將餐絳雪

憶乙亥春出燕門表杜少太史有詩送歸黃山

兼柬雪莊大師今忽忽十年矣涼秋稍暇始

踐前約感念今昔悵然有懷因次原韻二首

槐江詩鈔

卷之二

十

歸來那得卧深松萍梗年年老客蹤忽憶故人臨別
語携筇急上紫霄峰

其二

絕壁誅茅久息機山雲日夕護禪扉人生共有烟霞
癖又見袁宏早乞歸

丞相源

宋時家相國元鳳公讀書處也地因以名

十里仙源路松陰碧澗懸身知爲俗累地果以人傳
書卷知何處滄桑久變遷沙隄還不壞今古屬伊川

狎浪閣

萬木陰森架小樓山雲日夕檻前流風來疑是千林
雨霧捲渾如一葉舟湧出危欄懸象外生成傑閣寄
峰頭高眠欲借幽人榻浪裏浮沉似海鷗

由桃花源過響雪亭看羅漢級瀑布和藻瀾上
人韻

行來步步盡烟霞歷亂雲根老樹遮古洞僧歸尋藥
草石牀客坐染苔花雲妃路指三清近玉闕丹餘九
轉賒誰上空亭看雪瀑紫鸞飛去日初斜

槐江詩鈔

卷之二

十一

響雪亭坐雨柬中洲和尚卽次京江相國寄中

公原韻

寒氣山中早憑高怯素秋漫驚遊興減且喜放心收
石破雲迷路窗虛雨入樓繩牀禪定後魂夢夜悠悠

其二

到處烟巒好遊踪耐久停神奇天表異秀削地鍾靈
日響空中錫時懷坐右銘高原岑寂夜一水自泠泠

其三

徑僻無人過荒亭落葉深濤聲寒客夢雨氣淨禪心

出世餘蓬鬢登山愛竹林莫云蓮社遠咫尺愜幽尋
其四

早上山頭望峰青雨後天興狂思擊鉢齋罷待安禪
石火驚時序松風勝管弦此間無巨燭賴子一燈傳

石牀峰

孤峰屹立曉蒼蒼青靄凌空駕石牀早勅飛瓊勤灑
掃玉沙溪畔到劉郎

丹臺看鋪海

奇峰簇簇如壁壘丹成人去臺未毀爭奇競秀拱軒

槐江詩鈔

卷之二

十一

轅

峰名

羅列兒孫如拜跪夜半龍吟凍雨來黎明天朗

玄冥止扶筇徙倚望晴巒倏見天衣山谷起初如膚
寸觸崖門續似車蓋飛山趾迷漫鬣鬣高下浮噓喻
群峰在彈指崔嵬巘崿插天青蠶叢無力平如底詎
識冠纓倏卷舒千峰一瞬變成海銀濤萬頃白茫茫
雪浪千層光瀾瀾馮夷峰際吐蛟宮河伯崖邊鋪海
市藥成何處訪丹爐鳳鳴無地尋蕭史匝地浮天不
可窮奔流萬里疾如駛潮迴島嶼各分明波激乾坤
全變改天輪地軸一時翻五嶽崩摧蝸象喜蓬萊無

數金銀臺怒濤蕩滴嗟難峙須臾風靜波浪平峰尖
倒瀉銀河水南離一曜赤繒收縹緲齊埋陵谷裏白
衣蒼狗太不常變化山川幻無比遊人那解黃海名
呼山爲海何年始峰頭一望果汪洋始識品題良有
以

李若谷來遊黃山同坐益清樓話舊

獨上天都看萬峰故人何意共支筇孤懷最愛遊仙
好雅興偏於攬勝濃望斷燕門春樹隔探來藥竈紫
苔封十年塵土疎音問快在軒轅臺畔逢

槐江詩鈔

卷之二

三

天門

杖頭靄碧無痕閭闔遙開勢自尊萬仞丹梯雲作
屋千尋峭壁石爲門朝元未散群仙會大藥同歸玉
女盆步出御階峰頂望方壺員嶠一乾坤

接引松

松生始信峰左側兩崖中斷隔絕幾二丈許
中架危橋下臨絕壑少陵詩云山危一徑盡
崖絕兩壁對殆爲此處寫照幸此松橫生如
欄遊人凭之而過字曰接引詢不誣爾

側足入青冥曜靈光吐影奇峰天際懸極目一何迴
攀陟效猿猴努力凌峰頂崖絕歎路窮縹緲雙峰並
絕壑萬仞深過卽神仙境枯木架危橋欲度客心慄
橫生仗松枝百尺來接引過客類凭欄摳衣快馳騁
扶傾天地心履險獲所拯卓哉曾子言臨危發深省
軒轅臺懷古

高臺日暮響天風煉藥咸傳在此中劫火久經丹竈
冷桑田再變石牀空銀濤夜捲秋山碧雪浪朝翻海
日紅多少奇峰遊不盡驂鸞肯自讓仙翁

槐江詩鈔

卷之二

古

雲舫與雪莊大師夜話賦贈二首

空潭禪定晚鐘敲選勝雲根自結茅一夜軒窗聯草
榻十年風雨憶神交虎頭画冊人爭重齊已詩篇戶
競鈔山靜不聞樵漏響幾峰月影掛松梢

其二

窗前秀削萬峰齊日日行吟細品題黃海只宜高士
隱蒼巖未許野狐栖泉聲夢裏來禪榻法雨天邊落
虎谿十笏維摩曾信宿毋煩導引問丹梯

登蓮花峰頂

黃海之奇冠都邑峰峰截業嗟難及目炫心搖步未
移蓮花又見雲端立傳聞玉井在秦川仙種掘來何
代植白雲爲水山爲池開自鴻濛還未息亭亭不畏
九秋霜灼灼豈愁三伏日翠蓋常從碧落擎菡萏爭
向青霄出欲從根柢達蓮房萬仞峒巖攀不得青鸞
假我羽翼飛軒后賜我黃金勒瞬息身輕上紫霄親
見群山遙拱揖芙蓉瓣瓣大如舟中許玉童頻出入
銀漢星辰任轉旋闔闔雲烟在呼吸舉手直可摘三
光遊目真能窮八極匡廬彭蠡等培塿天塹還如練
槐江詩鈔

卷之二

五

一疋吁嗟乎五嶽秩祀領祠官茫茫萬古稱萃律崔
嵬可及此峰高奇秀敢與茲山匹當時禋祀考圖經
地界吳越未開闢紫皇勅我寓內品名山當以三十
六峰爲第一

香沙泉

在蓮花峰之頂已入天半香沙芬馥可愛取
而復生遊人異之

峰頭咫尺卽仙家玉醴嘗來味果嘉下界纖塵難到
此不知何處積香沙

雨後至皮篷訪雪莊大師仍用杜少先生原韻
看遍黃山千萬松茫茫無處覓仙踪穿雲欲共支公
語蒼翠橫遮雨後峰

其二

丹青筆筆是天機日坐峰頭自掩扉蓮社不嫌元亮
過閒同煮石看雲歸

藥谷讀鶴潭三兄寄中公一律因次原韻

昨日新詩句何人寄貫休竟將邱壑景傳作畫圖遊
丹嶂峰峰好疎林樹樹秋巖前飛瀑過幽思在山樓

槐江詩鈔

卷之二

六

五人墓

衣冠黨錮任鴟張矯詔年年出廟堂骨鯁力難鋤宦
寺編氓氣足挫權璫丹心遠映清流重碧血長留野
草香多少庸庸慚大位墓門狐兔久堪傷

吳山

崇岡高峙舊名吳往事何堪憶霸圖戰壘滄桑餘殿
閣層城襟帶尚江湖晴霞月落千林曉翠靄雲迷一
塔孤不用長懷亡國恨越江宮闕久啼烏

虎邱

名勝平江數虎邱花晨載酒画船遊管絃聲沸千人
石羅綺香生萬佛樓怨魄不忘離蜀恨柳眉猶抱沼
吳愁傷心莫問貞娘墓霸業難同一塚留

海陵七夕

令節他鄉總寂寥同誰乞巧坐深宵殘更懶剪風前
燭獨夜愁聞月下簫目斷銀河千里濶夢迴南浦一
江遙年年此夕偏爲客妬煞雙星渡鵲橋

吳漪文見訪

披襟頓覺旅愁刪情話蕭晨許暫閒捲幔斜看臨水
槐江詩鈔

卷之二

七

月登城遙望隔江山飄來雁影浮雲外聽去秋聲出
樹間幾夜樽疊親舊集相逢何異在鄉關

其二

西風吹遍菊花黃雁羽聯翩到草堂謂兩蒼令兄鎮日迎
人惟善氣荒城供客只秋光樽前落筆輸君妙酒後
論文恕我狂解纜莫教容易別雞鳴還擬共聯牀

硯瓦山

路入空林去山深一徑斜荒田餘虎跡斷嶺半樵家
衣染枝頭翠香生洞口花朝朝謀採石琢硯是生涯

夜宿古樓坦

聽得鄉音好分明抵故山身仍羈逆旅夢已到庭間
千里遊踪倦十年野客閒嶺頭懸絕路明日又追攀

水北渡舟中

峭壁沿河立中流一線微浪高舟忽湧石怒水爭飛
險過江間遠危應海內稀陽和天忽暖未敢脫寒衣

其二

多少巉巖石何年聚此河無邊真雪浪不了是狂波
篙探雲根下船經地骨過艱難誠若此再問路如何

槐江詩鈔

卷之二

六

山窗苦雨

豈是天真漏愁霖竟不休溪流平過岸雨氣側侵樓
春惜花容減風驚柳浪浮踟躕還四顧新漲滿田疇

其二

天怒何曾歇連朝只迅雷山山雲氣障面面雨聲來
野草隨春長盆花帶濕栽晴陰分頃刻氣候似黃梅

蘇臺懷古

今古繁華一瞬看登臨悶倚曲闌干行成烏喙謀原
狡爭長黃池國已殘茂苑少花眠野鹿胥江多恨走

狂瀾可憐此地曾歌舞剩見麤麤岸柳寒

晚泊雲陽

天涯秋暮怨孤征半日猶行百里程一線河流通越嶠滿街燈火映江城沙邊露冷鴻聲疾水面霜深襍被輕丁卯遺居今在否寒蕪斷礎不勝情

下米灘

亂石乘灘下舟行去若仙一篙三浙水愁殺兩來船
九日登青鸞峰有懷黃在中

連旬乍喜離塵夢餐霞吸露來丹洞紫萸黃菊報重

槐江詩鈔

卷之二

九

陽登高翻自嫌慳惚忽思我友住空山豈乏牀頭酒
一甕探勝徒偕鹿豕遊鍊藥惟許松喬狃烟雲滿眼
暢奇懷曳杖攀蘿與君共白雁霜鐘寺外聽奇書秘
笈松間誦杜陵失學慮兒曹謝客遊山勞僕從綠綺
峰頭試一彈梅花嶺外驚三弄陰陽造化如跳丸牛
山何用增悲慟瑤函錦字白雲傳異果山珍仙客送
安能縮地效長房與君携手乘雙鳳

送壁上人還廬山

懶從方外說真如愛子曾通四子書萬里寧親歸洱

海百年選勝到匡廬欲隨筇杖新涼後且剪畦蔬暮
雨餘耆舊有誰同入社遺民應傍此山居

重九登小泰山

秋光引我出蓬蒿獨插茱萸首自搔遠浦雲收江北

雨蒼松風起廟前濤

岳武穆拒金軍時壘土佯爲良糧以疑敵遂成高阜上有廟

辰肯使閒遊屐往事惟堪付濁醪武穆不堆南宋土
海陵何地可登高

郊行

幾載困緇塵久懷霞外賞涼風秋日佳天氣自清朗

槐江詩鈔

卷之二

三

命駕出郊垆游目快宏敞白雁盡南翔明霞正東上
村落罕輪蹄荒原絕榛莽禾稼已登場沙徑平於掌
塵慮日以消道心日以長商飈林表鳴瞿然悟俯仰
况多山水情而無市朝想朋好各有營即此成孤往

金陵雜詩

行到清溪第幾灣秦淮風月不思還酒船一路笙歌
沸只在桃根桃葉間

其二

南國佳人喚莫愁莫愁莫愁思不經秋分明一箇如鉤

月曾照當年十四樓

次鶴潭三兄同中上人崇湖觀荷韻

一片農桑地芙蓉種滿塘輕風吹後爽微雨過時香
客到斜陽外亭浮積翠傍清吟讓支許讀罷暗生涼
重至吳陵喜晤黃儀逋

病足愁移步相逢再拜難交深忘禮數話久具盤餐
朔雪袁安卧家貧范叔寒夜闌同刻燭醉任一鐙殘
舟次邗關

村醪莫向竹西沽黯淡隋隄夜月孤勝地偏留千載

槐江詩鈔

卷之二

三

恨梅花嶺上怨啼烏

迷樓舊址

蕪城無復舊迷樓半塢荒烟野樹秋欲聽吹簫何處
是雷塘風急雁聲愁

早發茶園

曉色矇矓霧未收荒雞聲裏放行舟灘頭急浪驚殘
夢枕上相思起舊愁萬里飢驅將北轍幾朝春暖且
南遊新潮忽漫催柔櫓不信江村又睦州

重過釣臺

羊裘甘自老巖棲重薦溪毛日又西清節真同江水
潔高風直與此山齊誰逢朋好居南面肯把漁竿戀
舊谿看破勳庸同夢幻放懷常覺海天低

開化縣追憶先君子

烽火巖疆苦亂離經過舊巷暗淒其當年縞紵情濃
處此日存亡淚落時

崔蓮生先生作令時極與先君子交好今亦歿去

旅舍

苔荒餘敗壁空庭蘚蝕剩題詩無心強對郵亭酒月
上河橋起夢思

三坑口道中

槐江詩鈔

卷之二

三

路入荒厓曲徑迂半肩行李任奚奴採樵幽谷歸人
少扶杖空亭野老孤幾樹桃花紅綽約一村烟樹夜
糝糊山程投宿知何處日晚停車廿八都

廿八都地名

暮春四日泊紫陽山下

亂水爭趨海漁梁一壩橫怒濤吞曉日匹練繞孤城
樹影谿頭落雲根波面生講堂人去後山月至今明

采石江行

琴書莫漫歎飄蓬浪靜渾忘在舫中夾樹鳩呼朝暮
雨一江帆使去來風潮通滄海時侵岸脉出岷山日

向東烟外遺樓傳太白良辰恨不酒樽同

將入都留別諸友

奔走頻年慣臨歧別緒饒只因情繾綣况復路迢遙
客去經瓜渚春歸剩柳條殷勤無限語惆悵是深宵

姑蘇競渡詞

簫鼓喧喧古渡頭良辰齊出看龍舟清歌留待前溪
唱多少如花滿翠樓

其二

斜簷艾虎綠雲邊半點朱唇分外妍心事被郎全識

槐江詩鈔

卷之二

三

破側身移入画堂前

其三

彩鷁爭飛過半塘湘簾斜捲見蕭娘行來只愛鴛鴦
好歸去猶聞茉莉香

其四

不看龍舟看阿嬌画船香霧湧笙簫紅樓盡綰高高
髻幾箇吳娘是細腰

其五

画舸如飛過板橋黃鶯隔葉一聲嬌綠楊影裏紅裙

醉爭解絞綃作錦標

其六

鼉鼓聲聲弔汨羅香薜終古怨江沱屈原不作離騷
死未必懷王聽楚歌

其七

幾種閒愁付水嬉歸舟莫訝夕陽遲紅裙妬煞榴花
色猶自千迴繫臂絲

其八

令節年時不放閒酒船爭泊沈塘灣來朝尚有吳儂

槐江詩鈔

卷之二

五

約快對妝臺画遠山

登焦山雙峰閣次商邱宋大中丞韻

散步出山門逶迤入蘿逕穿雲上層崖雙峰送疎磬
渾忘在江中榛莽迷雲磴賈勇到上頭烟霄殊入勝
布帆檻外飛江聲高閣聽金鰲峙中流蒼翠遙相應
雲開瓜渚明雨過南徐暝幾年塵夢中到此霎時醒

濡須懷古

雞犬農桑好画圖方州烟郭古濡須江通淮泗成天
塹地是襟喉壯帝都釣浦寒生驚過雁戍樓木落怨

啼烏孫吳遺烈今何處雉堞猶存偃月孤

其二

烽火驚傳大敵來橫江戎馬戟門開戰場世遠餘殘
月僻塢濡須塢秋深長碧苔烏兔難醒羈客夢興衰何
預使君才斜陽莫漫增悲慨石丈於今又草萊

雨中京口渡江

烟霧滄江過客稀片帆難觸石尤威孤峰蕩漾隨波
上一葉凌空帶雨飛潦倒敢嗟明主棄行藏時覺壯
心違蓼紅葦白沿雙棹八月天寒未授衣

槐江詩鈔

卷之二

五

鐵甕城

誰携蠟屐倦登臨地入南徐感客心古堞雲深迷戰
壘滄江秋老動笳音孫吳戎馬荒烟冷劉宋河山落
日沉眼底興亡真曉夢那堪憑弔一長吟

江山乘小舟至清湖

灘險知難上重拏一小舟風帆輕似葉溪路凜於秋
地僻桑麻少村荒草木稠津亭還廿里昏黑易生愁
樵徑

羊腸餘虎跡烏道絕荆扉過雨群峰暝穿雲一徑微

山銜新月出樵帶夕陽歸王質看棋後還家事總非
廣陵哭查梅壑

杖履歸何處怒然意倍淒風流今日杳翰墨古人齊
宅已移新主家徒剩老妻兩行知已淚爲汝下階隄

傾蓋亭

在山東郟城縣

先世記有子華子姓名流傳在經史遺編璀璨播人
寰結契論交惟孔氏卒然相遇道途間芝蘭氣味淡
若水曾取束帛贈先生

孔子謂子路曰取束帛以贈先生

文行從知

差可擬膠漆流傳在古郟今日南歸路過此道傍遺

槐江詩鈔

卷之二

五

下有孤亭締造不辨何年始歸然數像祀中堂博帶
峨冠動仰止伊洛由來自有源杏壇我祖親杖履

閨怨

問花花不知爲花長歎息百計要留春東風無氣力

其二

一把愁春柳搭在闌干上郎歸郎不歸日日樓頭望

其三

妾豈無情草郎非薄倖夫馬蹄都踏遍不敢怨蘼蕪

其四

盡說郎心壞斯言何足怪春歸郎自歸碧海青天在
七夕諸女兒仿乞巧故事口占示之

早陳瓜果向新秋乞巧何煩效女流汝父一生惟守
拙勸兒不用上針樓

弔前司李戴冰心先生

有小引

先生諱希嘉以耆宿中京闈名魁崇禎朝爲
辰州司李未幾大厦全傾慷慨痛哭授命於
蠻烟瘴雨之鄉姓氏不留形骸若脫今過二
西山得其就義處洵前代孤忠與吾邑文毅

槐江詩鈔

卷之二

七

汪公太史金公可以合傳者文孫升吉以遺
草見示捧讀之餘賦詩四章以識其後

故里追先哲忠貞實可哀憂時乘傳去筮仕棄家來
志欲圖宗社身難卧草萊那知天運厄空負棟樑材
其二

要把黃圖復還將大厦支新亭空灑淚撥亂是何時
餉命刑官餽兵教豎子知殘疆烽火接盡瘁在王師

其三

松柏孤忠志天崩七尺輕義聲明月洞宦蹟酉陽城

碧血蠻烟裹丹心雪涕傾時危惟授命戎馬任縱橫
其四

筆札篇篇在乾坤劫火餘停杯頻俯仰掩卷倍欷歔
忠節存孤憤滄桑剩故廬文孫能率祖辛苦讀遺書
石門街道中

周遭四望樹蒼蒼雨氣空濛濕客裳斷嶺千條鵝石
滑低田幾畝菜花香春光將半寒猶峭紅翠初啼草
自芳漫說征夫前路遠幾間茅舍總他鄉

次張夏

槐江詩鈔

卷之二

元

茅簷競奏管絃聲引起天涯羈客情三載韶光彈指
過關山幾度月空明

宿王家營

呼童秣馬玩吟鞭燈火盤餐又一天永夜柝聲喧枕
上空階月影透牀前竈鼃窟宅新烟舍吳越封疆舊
土田雨過鴉啼驚客夢長河回首更淒然

沂州道中

疲馬趨程百里稀夢魂已向故山歸征途不識春深
淺但見雲間雁北飛

郟城至李家莊

行來疆土已他鄉

初入山在界

野圃千村盡築場柿葉陰

陰鄰子國溪雲漠漠李家莊田間擊鼓剛秋戍馬上
題詩正夕陽任是清歌娛旅夜勞人情味自淒涼

過趙北口

烟水微茫外魚莊一望孤長堤新築堧巨壑久成湖
樹色晴猶濕雲光淡欲無渡頭征騎滿過客半三吳
呈少司農廖蓮山先生

景福隆元老筵開尚早春精神龍馬似吟詠性情真

槐江詩鈔

卷之二

完

品是臯夔侶心同社稷臣年來偏矍鑠朝野賴斯人

長安九日

蒹葭露冷歎淹留挈伴聊從郭外遊白草黃沙重九
節曉風殘月薊門秋花開故國憐三徑客久遙天剩
一裘惆悵頻年疎菽水江鱗塞雁不勝愁

送潔上人出都

悟得真如早息機獨携瓢笠出京畿孤帆一葉隨雲
去秋水連天傍雁飛日暮蛩吟荒驛雨山空霜冷客
途衣乾坤何地爲吾土那用言歸始是歸

豐臺

日永天微和邀友同出郭緩步過草橋游目任行樂
花信恐將闌有負園丁約黃鶯囀上林紫燕穿簾幙
香風幾陣來花光何灼灼樹藝本連畦重跗皆累萼
或如金帶圍或倚珠簾角盛事勝揚州佳話東坡謔
接畛爛如霞種類差不惡得逢貢父輩自足相驚愕
圖成一譜之韻事傳京洛百年幾花時有酒須當酌
綺席正留髡不比屠門嚼借問豐臺花何如鄭芍藥

出永定門口占

槐江詩鈔

卷之二

三

纔見天壇草又青杏花時節慣飄零江南此際春如
錦辜負紅橋好綠醅

其二

花放皇州雁盡回無邊霽色向春開聲聲近自江南
到偏少音書附汝來

廉希憲公萬柳堂歌

郊居最喜遊林藪野性只宜麋鹿耦元人遺址有廉
園別墅當年顏萬柳永豐舊種植堂前靈和柔條饒
幾畝春來金縷碧參參張緒風流猶在否碧桃枝上

曉鶯啼金谷名園雉兔走猶記武宗全盛時主人愛

客常呼酒分曹射覆朝復朝松雪疎齋並爲友

廉野雲時

招盧疎齋趙松雪宴飲於此

酒闌侑觴有紅顏解語名花醉白首

左持芙蓉右巨羅雙雙現出纖纖手惱亂司空數子
昂濡毫灑墨沉吟久詩成四壁盡歡然飲似長鯨復
五斗佳話流傳數百年都人艷羨傳野叟盛衰循環
不可期白衣瞬息成蒼狗誰人懷古踏青來蹇驢巾
車時輻輳千條萬縷依舊垂夜雨無人剪春韭當時
紫燕尚尋巢今日牛童空擊缶萬卉凋殘剩野烟寒
楓江詩鈔

卷之二

三

食淒清到重九只有秋光不世情夜夜清輝照戶牖
人生富貴豈有常惟留餘韻乃不朽

和鈕玉樵敝裘韻

誰授綿衣到異鄉多君金盡戀行囊寒衝驛路三冬
雪醉擁遙天五夜霜此際蒙戎人共棄當時輕暖意
難忘愁中若典臨邛酒也當相如舊鷓鴣

過任邱訪龐雪崖先生

五柳何慚靖節稱風追載石有誰能十年別緒三更
夢萬里心期半夜燈龍馬精神秋倍健漁樵雅興老

彌增騷壇者舊惟公在格調真教逼少陵

柴市弔文信國公二首

艱難天步剩忠良仗節從容赴北邙正氣旋移天喜
怒丹心豈問國興亡黃塵書捲宮幃晦碧血宵騰日
月光死後羞題元爵秩九原長足傲冰霜

其二

一木空支大厦難計窮無語作南冠旃裘七載孤臣
淚冰雪千秋壯士肝精衛銜泥秋已暮杜鵑啼血月
將殘祠前松柏青青好長與霜風傲歲寒

槐江詩鈔

卷之二

三

玉虛觀雜詠

洞草壇雲滿院荒閉門依約似村莊邀賓射覆拚囊
澁倩客鈔書愛日長槐引微涼窗外爽茶烹活火兩
前香斜陽蛙鼓牆東鬧欲問比鄰是上方

其二

岑寂誰云在帝鄉晨昏來往盡名場苔花侵戶琴書
潤雨氣當窗枕簟涼觀建金源更劫火鐘銘天曆識
興亡忘機更比黃冠久收得烟霞在一囊

其三

幽居翻喜絕塵埃明月清風一樣來醒醉未分憑白
眼陰晴難定是黃梅閒繡貝葉留僧話細品香醪爲
客開買得草花三四本雨餘著屐手親栽

其四

夜靜空堦滴滴聲遙聞禁漏已三更鄉心暗逐簷花
亂旅恨潛隨砌草生節屆炎蒸稀雁字鬢因偃蹇益
霜莖匣中三尺青萍在望氣猶能炯炯明

其五

縹緲芙蓉積翠間青青秀色自西環

玉虛觀在宣武門之西西山在

槐江詩鈔

卷之二

三

望閒來對客時揮翰雨後開窗日看山香爇海南浮
篆細衣沾苔蘚著痕班同心喜遇羅虬好琢月鏤雲

快往還

謂靜庵大令

其六

石壇暑氣晚來清岸幘嘉賓怒送迎守拙也知泉石
好搔頭惟恨雪霜盈鼓鼙沙磧新催戰烽火潢池舊
弄兵越石聞雞思起舞請纓可許到書生

于少保祠

社稷臣期安社稷聖賢經濟古難得英宗寃殺少保

公江山無恙誰之力憶昔鑾輿北狩時乾坤震蕩日
無色一從朝議主南遷汴宋興亡勢孔棘力排衆論
潛運籌倉場一炬真卓識也先奇貨無可居上皇纔
有回鑾日智勇深沉豈管窺丹心一片忠王室鼠子
邀功夜奪門無辜竟爾遭羅織不怕都城起巨波只
愁大案無真跡文武賢良聖主明屬鏤錯把伍胥殛
俎豆依然甲第新朝廷便復三公職於今伏臘拜祠
堂百世忠魂常血食

蠶婦吟

槐江詩鈔

卷之二

十四

辛苦蠶家婦朝朝陌上桑可憐千百補還是嫁時裳
其二

遙遙月光滿把愁人涕一半完夏糧一半上秋稅
其三

聖主崇恭儉深宮著浣衣今年逢七夕閒殺一支磯
其四

綠葉已將盡明朝結伴無盛朝風俗美不用怕秋胡
小雪即事

十月風鳴小雪天黃昏孤館興淒然雲間朔雁沉鄉

信寺外寒鴉噪晚烟出世早知身是累破愁還恐酒
無權蟾光不棄幽棲客夜夜穿簾到榻前

次韻答友人

班荆邗水上話別已經時倦自憐遊子歌堪付雪兒
年荒愁旅客久動秋思不住江城兩霜風損鬢絲
贈廖維庚掌科

玉階仙佩聽晨搖青瑣聲名在九霄盛世明良歌一
德清班父子快同朝新詞丙夜邀賓看諫草終年避
客燒古昔夔龍今再見鹽梅專待諍臣調

槐江詩鈔

卷之二

五

張良御下第南歸

藏器還携劔歸旗亭分手悵斜暉狗屠三市知音
杳虎嘯千秋壯士稀驛路雲晴蘆筍美江鄉雨足荳
花肥龍門額點春深浪猶勝無成一布衣

其二

紛紛好友隨春去剩我天街看月明九陌塵深迷客
騎一帆風好送歸程耕雲生計漁樵夢藉草壺觴縞
紵情池上綠荷酣戰日可能北望憶鶯鳴

望石徑山

平蕪東望指培塿塔倚晴空樹樹秋一片樓臺懸碧
落幾家烟火傍丹邱山光淡映晴林遠嵐氣斜分古
洞幽餘勇未闌遊興好攀蘿終陟此峰頭

小心坡

一步一支筇到此剛日午天梯一何高峻噌近百武
仄徑困芒鞋凌風思毛羽千峰登陟勞餘勇亦難賈
迢迢烏道懸况復遇微雨流泉瀉急湍輕陰迷磻户
平生履險懷此際竟無主兢兢惟一心那暇問玄圃

上戒臺

槐江詩鈔

卷之二

五

石磴岩崑近碧空松濤動處響天風白雲迴望無行
跡人在寒山落木中

贈汪紫滄太史

賦就安瀾邁子虛千秋知遇勝相如木天終得才人
重蕊榜驚傳內苑書視草時從三殿立承恩日傍五
雲居非君奉勅膺編纂誰帶藜光到石渠

其二

侍從常隨玉輦行新詩多自苑西成校書長召儒臣
入策士先傳太史名異代遭逢懷曼倩清時知遇羨

桓榮大官賜食歸來晚一片金蓮夾路明

秋夜

經年愁緒向誰鳴異地淒涼祇自驚蟋蟀吟殘孤月
夜依稀猶似故園聲

淨土寺

半山黃葉滿空亭日落雲關戶不扃絕粒荒厨餘破
釜推窗敞篋見遺經桑乾浪湧岩前白石徑烟浮殿
角青只有昔時松月在秋高還復上疎櫺

兜率寺娑羅樹歌

槐江詩鈔

卷之二

三

山中惟松最奇古空王留下護梵宇別有陰森似海
桐兩株分峙蔭廊廡游人不解樹何名強半猜疑問
樵父建寺時從西域來此木中原罕覩番名交讓
見遺書花大如拳載花譜春夏開時色最鮮清香端
宜供淨土生憎惡鳥止柯條肯爲凡禽庇風雨結根
佛地近千年滄桑幸未遭斤斧空山呵護仗神靈青
青豈與樗櫟伍

來青軒

額爲明神宗御筆

初地曾經御墨題當年觴詠愛禪棲峰峰霽色趨庭

早面面山光入戶齊
月出不嫌杉巷遠
雲來偏喜寺牆低
只今苔蘚迷行跡
日暮無人鳥自啼

枕上作

老我空山朔雪侵
聞雞往事費沉吟
三更夜雨憂時淚
一枕寒燈戀闕心
未見前星輝少海
空傳禁旅出榆林
茫茫砂磧龍荒遠
何日樓蘭報已擒

其二

時無魏絳憶和戎
絕漠窮陰烽火同
露布何年傳塞外
天戈昨喜出雲中
穹廬萬里髑髏白
雪海千山戰血紅
飛將龍城莫羈絆
捷書日望未央宮

槐江詩鈔

卷之二

三

蓮花洞

策杖歷巉巖
置身已天半
何況長碧霄
一水通河漢
欲上路逶迤
曲折無涯岸
攀蘿入層雲
巖洞光凌亂
幽邃不可極
溫涼霎時換
怪石盡玲瓏
嶮嶮欽聯復斷
古洞一何多
下上恣游玩
仰盼芙蓉花
五色日華粲
神靈蘊奇奧
不識何年判
憫彼塵俗人
徒爲世網絆
百年能幾時
海枯石亦爛
安得駕雲螭
茲遊方汗漫

送戴琪草下第南歸

餞筵強飲不成醺歸去遙看泰岱雲紅葉好於霜後
醉秋聲最畏客中聞辛勤枉剪三條燭冰雪空辜一
卷文衆裏自嫌長鍛羽燕昭臺畔敢留君

贈汪苻州太史

染翰終朝侍玉除瀛州仙境近宸居才華燕許應難
匹品望機雲愧不如朔雁聲高秋氣爽銀蟾光吐夜
窗虛十年中秘翱翔客讀盡人間未見書

虞學士東嶽廟碑

仁聖有宮何壯麗金碧輝煌照燕薊百萬金錢出度

槐江詩鈔

卷之二

完

支指畫規模由帝制工成例勒麗牲碑俯伏丹陛請
於帝帝曰學士虞集能宣勅即令載筆製從容構思
坐鑾坡一切蕪詞盡刪薙朱絃疎越清廟音黃鐘大
呂聲非細薰沐頓首復臨池龍翔鳳翥秦篆隸遒逸
中郎笑不如進獻當宁天顏霽碑高三丈勢崔嵬建
置記自天曆歲樹之嶽廟有輝光神鬼呵護長不替
即此流傳五百年日銷月鑠留雲際莫云 帝里一
荒碑伯生遺蹟斯文繫

觀操

上馬去如飛將軍正合圍小侯先中的奪得錦袍歸
其二

列帳蘆溝北橫刀箭插腰一聲齊上馬爭看霍嫖姚
永光禪院贈陳秋浦

黃花開謝近霜晨日暖天和正小春意氣久欽湖海
士壺觴偏欸寂寥人齋鐘亭午松間聽佛火更闌寺
裏親不信粉榆相別久翻從京國作比鄰

涿州

帝里襟喉是此鄉英雄鼎足問樓桑斜陽剩有孤村

槐江詩鈔

卷之二

四

在蔓草空餘古殿荒郭外沙飛舍野色樓頭月曉露
山光利門名路皇州客萬里輪蹄鎮日忙

次張夏和壁間韻

花謝園林春漸闌溪橋新長碧波瀾芒鞋徑窄愁朝
雨襪被山深畏曉寒身賤辭家携短鋏鐘殘扶夢上
征鞍康莊客路由來少歷徧羊腸始覺難

白溝河看月

不斷輪蹄征客路王瓜脫粟旅人餐分明月是深閨
好却向河橋野店看

中秋次整陽

雨過疎林起暮烟，整峰百里見山巔。
風沙驛路秋剛半，雞黍空村月又圓。
孤劒浪遊蘇季返，九衢落拓馬周旋。
容城谷口遙相待，未到雲門已五年。

貧女歎

貞白貧家女，登樓髮自梳。
嫌他無六禮，不上七香車。
貧婦歎

無錢買綾綃，有婿如金玉。
落日照柴門，牽蘿補茅屋。
渡淮

槐江詩鈔

卷之二

望

養拙長懷老澗阿，浪遊今復棄漁叢。
中流擊楫秋初爽，盛世安瀾水不波。
日落城頭征騎少，烟迷津口客帆多。
臨流轉覺慚雙鬢，潦倒空驚幾度過。

曉題海會寺西樓

萍梗勞馬足，前繩牀粗喜。
一宵眠木魚聲裏，迴鄉夢金粟香中。
到客船月影遠，從高閣落禪燈遙。
上方懸翻經欲對支公語，誰解西來意了然。

平山堂春眺和交三

蜀岡突湧廣陵東，堤外輕搖荳蔻風。
山色晴聯瓜浦

碧霞光曉射画樓紅竹西簫管春燈開隋苑繁華暮
靄空亭榭幾經賢守葺至今人自頌歐公

展先外祖吳子庸先生墓

洒淚登邱隴含悽化紙錢滄桑存鶴髮湖海剩遺賢
拜掃年時舉蘋蘩母氏虔窗前書帶在不忍對殘編

玉蘭花次吳又濤韻

春半還餘雪作花蕊珠瓊樹落誰家一叢仙種吞明
月萬朶寒光淡曉霞玉質生來寧有比冰心映出自
無瑕依稀曾向瑤臺見白壁雙雙信可誇

槐江詩鈔

卷之二

望

柏山齊祈寺次韻

曲徑穿雲上松高翠色微鐘鳴山月曉犬吠野樵歸
竹色侵僧榻苔痕染客衣當年禪誦處蘿薜滿烟扉
答徐元賓過訪

燕市今方見香名自昔聞品堪追孺子詩足擬叅軍
客路驚新雁鄉心指暮雲尋秋宜郭外叢桂正初芬
自佛子嶺趨山口作

竟日籃輿鳥道經秋陰無雨仗山靈溪聲聒耳千盤
曲嵐影迎人萬疊青野剩村翁談往事路餘樵客憩

郵亭天都隱隱雲端見塵夢初教此刻醒

仙掌峰

森森玉筍高千丈華岳移來雲海上秀削參差是五峰烟開宛似仙人掌

宿飛白軒軒在白龍潭左側

鎮日支筇未覺勞寒宵燈火共方袍

謂藻瀾上人

鐘聲夜

度千峰遠月影秋浮萬仞高開闢即聞泉活活晦明翻怪水滔滔不知絕壑懸崖上何處流來此怒濤

軒轅峰

槐江詩鈔

卷之二

望

呼吸長通帝座傍峰頭虛架紫金梁軒皇去後無消息餘得空山草木香

洋湖

地濶千畝在芙蓉峰下外築一隄則巨浸連

天昔普門師欲於此建湖心殿環以數橋髣

髴杭之西湖逡巡未果然勝致甚足留連也

不信丹青上澄泓亦有湖幾峰青鬣鬣萬頃白糝糊寺想冰心建雲留雨後鋪清晨頻眺望杖履一人孤

破石松

穿石直出絕無縫罅真怪松也

鬱鬱百尺松冬春茂玄圃結根久離塵不與衆松伍
栖息許王喬婆娑聽巢父勁節恥凌霄霜皮久溜雨
混沌開鑿來歲月忘今古間爲猿鶴吟時作虬龍舞
蟠屈托雲根穿罅類沒羽糾結復攪拏画工亦難譜
咄嗟造化奇生物不用土

斷凡橋

摳衣步步上層巖芝草叢生未許芟樵客到來忘晦
朔人間從此隔仙凡橋邊不復存塵想峰頂誰能啓

槐江詩鈔

卷之二

蜀

石函一望銀濤松際滿天門惟可聽雲帆

一線天

行到欹危甚凜然孤筇竟復在雲邊層崖斜繞千峰
路峭壁中分一線天步出泉源霄漢近看來丹洞斗
牛懸容城到此初開闢混沌何如太古前

得月軒聽雪莊大師彈琴

夜靜步簷楹峰頭孤月皎四壁罕藩籬蒼翠群峰繞
齊已性善琴心清事不擾彈出盡妙音古調世所少
洞滑海水鳴山林深窅窅成連移我情吾師得其巧

聞吾所未聞鶴舞天將曉

文殊院

仙真絳闕晝常扃雲際高飛紫玉屏衆壑忽浮千頃
白萬峰遙拱一時青玉妃鶴馭辭蓬島阮肇孤踪入
宵冥忽聽上方鐘鼓歇翛然塵夢半天醒

步雲亭

自皮篷至雲谷俱種梅花

九龍潭上枝枝雪丞相源前步步雲日落空亭吹鐵
笛何年重遇玉虛君

槐江詩鈔

卷之二

望

老人峰下祝李若谷五十初度

蹠躓初辭紫陌塵天教龍馬賽精神蓬池客歷三千
劫東閣筵開五十春古寺談禪多野衲香厨補祝鮮
山珍此行欲覓長生訣願得餐霞似老人

西海門

幾日山遊驚信宿十步九折勞雙足丹嶂霜前露早
霞銀濤堆裏生朝旭捫參歷井上層霄望見海門峰
簇簇竒如劔戟列營門多似旌旗歸部曲玲瓏變幻
肖波斯詭怪躡踈踈類禽畜或如羽客談丹經兩兩沉

吟學辟穀或如仙子鬪手談王質箕踞觀棋局

以上峰名

皆酷似

偶然賦物必肖形西子效顰無此酷雕鏤悉仗

造化工刻畫纔遂生人欲閱徧神仙勝境多靈竒到此盡臣僕巖邊仄徑通仙源嶺外白雲入松谷軒轅煉藥去丹臺此地長教付麋鹿烟月空留羽客踪漢唐未到遊人躅滄桑歷盡問山靈誰見黃山真面目

萬曆以前遊人僅至前海自晉門開鑿後遊跡乃得到此

競秀爭竒千萬峰森森

那止三十六

始信峰

槐江詩鈔

卷之二

吳

騷客愛遊山林壑爲性命周覽偶會心在在形歌詠或誇邱壑竒或侈林巒勝後有續遊者一一恒取証維彼六六峰卓立俱千仞縹緲復幽竒形容實難罄變幻在霎時陰陽分一瞬遂致膠柱人蠡測疑不稱烟開萬壑攢雲捲千峰競覩此青芙蓉客心誰不震靈由天地鍾秀自日月孕豈等三神山海外徒問詢竒化赤城幽高指瓊臺峻匪我所思維仙家咫尺近長揖謝容成而今方始信

皮篷別憶峰

晨興雲濕芰荷裳，懶整輕裝去上方。月出每從峰頂看，梅開長在水邊香。山厨欸客珍珠菜，山中菜名玉女留賓紫石牀。峰名蘭譜又添方，外友贊公莫哂太疎狂。

逍遙溪

雪公極言此地之勝，未得往遊，詩以答之。

還留勝境未逍遙，五夜空聽紫玉簫。銀漢秋深波渺渺，碧霄人遠路迢迢。天台終許劉晨到，雲壑徒勞帝子招。後會再來歌欸乃，烟霞常護虎溪橋。

寄朱岳青

槐江詩鈔

卷之二

三

黃海逢君到新詞，迴出群筆分峰頂。秀杖帶嶺頭雲，花雨衣邊濕松風。字裏聞君苗心久，折破硯已先焚。

其二

嘔出珠璣滿名場，盡白頭青衫羈客淚。紅豆美人愁倚韻，驚新著舍悽感舊。遊侶酬擬皮陸膠漆喜相投，雲谷謁熊蘂庵和尚塔。

遊跡何辭作隱淪，銅駝歎罷寄孤雲。袈裟未斷英雄淚，薇蕨聊隨鹿豕群。龍漢劫中空色相，蓮花漏裏靜聲聞。遊人莫認頭陀塔，此是先朝逸老墳。

獅子林

神獸生西域何年來嶺側鈎爪還踞牙虎狼盡失色

其二

紺眼若星懸踞牙竟不息頑石最無精神肖一何極

蓮花溝

欲窮後海之勝必登蓮花溝乃得度險絕尤

爲難狀

晨興陟崇岡步步凌丹嶂蒼松夾路迷溟濛失所嚮

高高蓮花溝壁立難名狀烏道挂虛危仄徑神僧翔

槐江詩鈔

卷之二

吳

遊屐到驚魂山魃見惆悵險絕復岩巽欲躋殊難上

携手望洪涯烟雲偏蔽障側足入層霄達觀齊得喪

氣喘足力煩蘿攀心膽壯豈不懷險艱海門方在望

淨土門

芙蓉青若洗秀峭冠諸峰門許仙真過靈由天地鍾

白雲餘廢寺碧落半蒼松清絕非人境烟霞興更濃

佛影峰

萬籟寂無聲千峰落日靜蓮開吐異香

木蓮花

覺是如

來境隻履久西歸枯木寒巖冷色相俱已空底事還

留影

留客松

松向無字汪紫滄太史遊山贈之也在蓮花

峰之半

蒼髯老叟立雲裏拱揖深餘留客意經過汪倫一品
題更看繾綣情無已

題程山人響雪樓次查書雲原韻

何處空潭響濤聲夜到樓瀑飛疑雨過泉湧訝雲流
幔捲峰巒入烟開洞壑幽山遊曾信宿此地即丹邱

槐江詩鈔

卷之二

兪

其二

路接黃山近樓宜野老居松風邀客起月影愛窗虛
茶熟新涼後花開幕雨餘夜闌聞響雪蒼蒼落琴書
坐雲外峰有懷張山來

黃海好峰巒矗立如石筍光怪粲以繁環列似翼軫
唐宋諸遊人僅覩黃山影後海秘未開攀躋隔峻嶺
所以諸留題一一在凡境名峰三十六多少遺丹井
非關闕不書遊踪悵未省芙蓉插天來雲外多奇景
一峰一呼名顛禿題不盡安得如客兒看山心力猛

緬想諸遊好惟子才思敏相望隔山川歲暮淒風緊
幾時同驂鸞細取諸峰品到處有遊踪幽竒庶不泯
送春

青帝難留花亂飛海天相送懶開扉羈栖客路鄉愁
切惆悵連宵好夢稀幾頃麥苗搖淺浪半堤楊柳障
斜暉春風最是無情物拋却征人早早歸

和汪丹書觀女郎演劇原韻二首

宛似雙成下碧霄幾行紅粉遍星橋香生舞袖芳塵
起響遏行雲絳蠟銷不少周郎能顧曲最憐羸女善
吹簫酒闌漫想高唐夜旅夢依依在翠翹

槐江詩鈔

卷之二

五

其二

皓齒妖嬈絕代無天風吹汝下蓬壺行來香霧隨雲
上舞罷纖腰倩客扶好按紅牙歌艷曲漫敲羯鼓愛
花奴司空見慣情猶戀惱亂何須笑腐儒

疊韻再和

雲屏日暖愛吹簫環珮珊珊到二喬翠袖兩行嬌欲
舞春山幾點淡難描畫樓鶯轉花千樹芳草魂銷柳
萬條檀板歌殘宮漏寂銀河一水正迢遙

其二

錦襜緩步出香車
聲價宜酬百琲珠
紫玉歌喉當日少
小蠻風韻一時無
紅樓夜醉眉初斂
繡幙春寒夢不孤
客裏莫彈囉嘖曲
羈愁留得在狂夫

夜宿威坪

星出天將暝
人間日覺長
亂山橫去路
新漲促輕航
漁火前溪遠
村烟野浦荒
鄉音少入耳
纔覺是他方

淳安縣

百里農桑地
青山抱縣門
民淳無雉堞
地僻自乾坤

槐江詩鈔

卷之二

五

梅柳山頭翠
帆檣水驛喧
欲尋名勝里
誰是錦沙村
帆影樓看家
宗韓兄作画
併送歸里

筆底烟雲萬狀殊
疎簾高閣旅情孤
揚州半幅殘霞裏
不及秋林返照圖

其二

曩年風雪入皇州
泰岱曾登最上頭
十載勞君呵凍寫
披圖儼似又重遊

其三

極目寒雲遠
樹遮酒闌歲晚客
思家孤帆影盡秋
江

暝愁向樓頭數暮鴉

采石阻風從陸至白下

襍被權爲白下遊江間波浪幾時休收將秋色歸驢背
剩得鄉愁壓馬頭紅樹晴遮青嶂遠黃花低插槿籬
幽斜陽莫問齊梁事玄武湖邊有白鷗

與查書雲話舊

頻年耆舊凋殘盡話到邗溝更淚垂馬鬣已封亡友墓
牛山重訂故人詩

梅壑儀逋皆與余友善今書雲一封其墓一梓其詩

漸向塵埃老姓字空慚輦轂知自分垂綸烟水去嗟

槐江詩鈔

卷之二

五

君何處遇鍾期

暮抵海陵

客裏還爲客言歸不是歸風偏欺舴艋火已映柴扉
荒榻呼童掃瑤觴對客飛夜闌情脉脉魂夢兩依依

相湖嶺

先忠壯公靈洗射屨舊地俗名相公湖

溪光原接舊湖光一帶松陰樹色蒼軼事名猶傳井里
旂常績久著蕭梁廟中時薦逢初夏嶺上鶻啼正夕陽
苗裔更推伊洛好

兩夫子皆公後裔

醴泉原自有餘香

戴升吉歸自海虞以近詩見示

新詩大半在吳門醉把虞山細細論字裏猶沾蒼翠
色鬢根新帶雪霜痕久知世路文章賤還喜貧交道
義尊侵曉又逢榆莢雨聯吟何惜坐花村

東陳滄洲太守次原韻

萬疊烟霞窟高低積翠平雲光春靉靄雪色夜晶熒
寫照餘邱壑留連出性情珠璣隨筆落奇傑令天驚

其二

萬古名山業丹黃仗直盧竟疎燕市酒愛訪古人書

槐江詩鈔

卷之二

垂

鳳吐趨朝暇池臨退食餘半牀明月曉惟覺夜窗虛

三月十六日望亭迎駕恭紀

霓旌初到五雲開野岸趨蹌獻賦來中使親傳天
語問小臣遙擁御舟回晴光曉霧千巖斂花信春
風一夜催喜駐吳閭逢萬壽家家歌舞遍樓臺

金山

空明面面繞烟鬟樓閣重重峙水間初日雲迷雙塔
影中流浪湧一拳山晝長法雨諸天落夜靜漁舟兩
岸還旅夢繩牀曾睡穩

庚午辛未余曾讀書山中廿年酬倡憶禪

關

聽雁樓前新栽桂樹一株至秋花甚繁茂戲題
博林不一律並憶世繩世綏兩兒世縝十六姪

月窟分來種新移此地栽天香秋夜發金粟曉窗開
雲表思搏翮花前待舉杯廣寒宮裏盛曾折幾枝回
湖上喜遇汪紫滄太史話舊

翠華南幸幾人從侍從蒙恩近復濃三竺月非前度
色六橋花豈昔時容蘇堤夢醒驚朝漏御苑詩成報
午鐘画舫壺觴宜有約五雲何處覓仙踪

槐江詩鈔

卷之二

七

苦雨行

連旬不復見白日空天渾是烟雲積奔雷飛電繞城
頭淫雨淋漓竟不息傾江倒海斷復來滂沱一下四
五尺可憐田父半年勤牟麥登場盡狼籍畝畝全讓
鼃鼃遊村莊半作蛟龍宅泛舟不問舊河渠滔滔那
辨阡與陌竭力東作事耕耘膏腴倏忽成川澤浪裏
新秧不復存年凶八口活無策流亡誰繪監門圖長
吏對之惟盛額憶昔黃流泛濫時此鄉五年遭水厄
築防屢費水衡錢纔得秋成薄有獲誰期堤固雨復

來大地茫茫從何掘天心若庇此鄉民急召雨師露
素月

竹下納涼

何處堪逃暑清陰坐綠苔亭空邀月到簾捲任風來
蘿徑秋初掃松扉夜自開欲謀河朔飲乘興一登臺
北固山

巍峩橫倚一江灣南國藩屏仗此山地脉直通鼉窟
遠雲根遙接海門閒六朝梵宇斜陽裏千載興亡積
翠間歲歲遊踪常眺覽風塵空老旅人顏

槐江詩鈔

卷之二

垂

文選樓

誰談舊事選樓前月是蕭梁未變遷振起騷壇由領
袖編摩藝苑賴開先滄桑還復留遺址慘淡何堪問
暮烟勝似白頭專佞佛臺城蜜水至今憐

同黃儀逋喜雨小酌

旱魃新逢雨輕涼興可乘亭陰偏愛竹月到不須燈
交以疎狂密詩多怒罵增旅人無負郭日夜望秋登
晚秋過仙陵廟

半年寢食困征蓬落葉蕭蕭萬水中遊屐久淹黃雀

雨輕帆快遇鯉魚風歲豐江市雞豚賤海宴關河估
客通塞雁南飛鄉國遠可憐無翼附歸鴻

率溪書院次先宗伯篁墩先生韻

講堂軒廠近漁磯水繞沙環翠岫圍雨過溪頭增碧
色風迴波面助文機鐘鳴野浦迎朝旭雲擁湘簾挂
夕暉觴詠昔賢遺韻在良辰重集薜蘿衣

舟次米灘

經旬孤艇內寢食寄江干鳥語催窗曙灘聲入夢寒
茅亭懸嶺表樵客出雲端賴有山如画青青可耐看

槐江詩鈔

卷之二

庚

秋閨

曉覺羅衣薄秋欺角枕孤怕人妝束好爲問画眉無

衰柳

衰柳画天秋栖鴉攪暮愁客心愁不了獨自下南樓

雪美人次韻

羽衣縹緲似湘君雅淡時穿白練裙素質每依梅作
伴冰心應共玉爲群嬌嬈不用雙眉画憔悴難教百
和熏幾夜夢魂因雨散東風腸斷憶朝雲

其二

綽約瓊姿孰似君，羞將濃艷賽紅裙。
銀牀身入疑無影，皓質生來自不群。
曉鏡恐沾朱粉色，輕裾畏近御爐熏。
君王若作陽臺夢，巫峽巫山化雨雲。

藻河

尚是青溪路，離家兩日程。
林深斜谷隱，水曲亂山橫。
曠野孤村小，空潭一鏡清。
江邊新綠滿，不斷是禽聲。

元宵前一日，龐雪崖先生過訪，邀同袁杜少太史、令弟信公、集崇效寺訪雪塢上人，即用原韻。

韻

槐江詩鈔

卷之二

七

爲訪羈栖來委巷，約尋野衲過僧廬。
開簾座挹蒼松色，連屋牀堆貝葉書。
客愛烟霞多道氣，寺臨幽僻似山居。
九衢燈火連宵盛，偏到禪林話六如。

中秋夜懷故鄉

滿城簫鼓鬧更闌，丹桂香飄露漸溥。
良夜酒同朋舊醉，窮年月在異鄉看。
賓鴻影落秋江遠，促織聲吟海國寒。
惆悵此時情脉脉，宵深無語強憑欄。

次杜海樹明府過密山十六姪讀書靜室原韻

未得同遊眺踈慵，笑我兼秋花高過屋。
修竹碧當檐

般若閒中悟醇醪醉後添遺民初入社險韻共誰拈
渡河
一泓濁浪自窮邊走入中原路幾千潰決早煩當宁
慮築防頻累水衡錢陽侯波起思投壁邵伯風高漫
放船剩有寸膠澄不得杞憂空抱舊堤前

秋日旅懷次韻

性傲難教與俗諧海鷗汀鷺是襟懷砧聲夜急霜侵
戶露葉晴翻月上階蛩語小園空砌晚雲開遠岫亂
峰排青銅忽訝清癯影病骨秋深瘦似柴

槐江詩鈔

卷之二

庚

其二

秋到城西縱目初鄉思客意竟何如繩牀且借僧人
榻委巷難容長者車江外桑麻經歲隔里中耆舊幾
年疎灌園夜夜縈歸夢帶雨春深早荷鋤

其三

搖落秋殘漫自嗟勞勞道路半黃沙旗亭此日留燕
市小艇何年出若耶城上笳吹千里月籬邊霜老一
叢花傳神我愛長康好添足從來笑画蛇

月下聞簫次韻

竹影當窗月色侵晚風送出洞簫音潛蛟快作清宵
舞菱婦難爲此夜心吳市吹殘岐路杳秦樓夢覺彩
雲深酒闌再聽歌喉轉一曲能開旅客襟

仲冬同鶴潭三家兄集飲靜嘯堂俞大陳芳歸

自京師席間見贈二律即席倚和兼呈尊公

錦泉中翰暨兩令弟

抱璞歸來氣未平騷壇原自負時名雄才又見鍾三
鳳家學深知愧二程即席揮毫皆玉屑當杯擲地盡
金聲鈞天樂奏霓裳暖彷彿黃梁夢未成

時觀女
郎演劇

槐江詩鈔

卷之二

五

其二

幾載山居驚濶別重來私喜愜幽尋青衫濕盡人將
老紅豆歌殘漏已深客路有誰稱絕調天涯難得是
知音與君交好經三世膠漆毋忘兩地心

宿梵覺禪院

竹西歌管地下榻愛禪房竹影侵衣綠荷花對客香
靜中生慧悟塵外得清涼夜半鐘聲動遽遽夢正長

坐風龍江關

籬菊開殘舊版扉石尤日日阻東歸無端忽引千帆

集何計能催一棹飛行旅途遙秋欲盡羈栖日久興
全非木棉漫羨烏江衛九月秦淮未授衣

西湖泛舟

攬勝權拏一葉舟十年重喜到湖頭山光曉映蘇隄
遠樹色晴添古寺秋烟外飛來孤塔迴水心吐出半
亭幽烟霞過眼俱成趣寥廓真堪汗漫遊

其二

雲影山光面面遙垂楊猶自碧千條疎鐘日午浮雙
樹画槩風微度六橋蟹舍漁莊秋興好鶴汀鳧渚客
槐江詩鈔

卷之二

卒

情饒喧闐忽聽笙簫滿佳節湖頭鬧翠翹

答廩峰并懷雪莊

遊山曾憶住皮篷蓮社多年別遠公瓢笠時來魂夢
裏烟雲盡在画圖中信衣應讓南能得覺路原知彼
岸通愧我樊籠同野馬羈栖空自老霜風

昭關

青萍中夜怨飄蓬淚滴征衫道路窮關吏珠方給渡
口丈人舟已覆蘆中簫吹吳市魂猶悸鞭到王尸恨
未終莫道英雄能忍辱眉間一尺氣如虹

輓俞母黃太君

錦泉中
翰夫人

天假薇垣福香闈得細君非因容舞袖誰與醉紅裙
淚雨盈歌板哀音動暮雲一生嫺內則德耀許爲群

其二

壽考兼強健天庥萃一身鳳冠新寵命紫誥舊絲綸
名在仙真籍神遊闈苑春鹿車誰共挽痛煞白頭人

清涼寺道中

秋山絕勝画图工地近清涼只種松今夜安禪何處
宿亂雲堆裏一聲鐘

槐江詩鈔

卷之二

空

雨後江行過釣臺

夜雨滴征篷晨興還未止滿目悉鄉愁浙瀝况入耳
晝長似小年銷磨惟子史所喜親串偕時復談井里
煮茗汲山泉下酒烹鱸鯉偶遇林壑佳歡然長色喜
雨霽露微陽山光新沐始棟宇漸傾欹釣臺東漢起
一竿老羊裘古之隱君子行行還入舟蒼翠落江水

煉丹峰

峰頭一帶紫苔荒共羨仙家歲月長丹井肯留神藥
在騎龍竟復遇軒皇

自睦州夜泊富春

豈料風如駛牙檣萬馬奔片時經兩縣一瞬過千村
江暝星初見程遙日易昏停船聞犬吠纔識近城根

萬壽灘

磊磊如碁布中流洵覺多日昏疑虎豹影沒類鼉鼉
倏忽船頭起嵯峨水面過當時疏不盡精衛錯填河

舟次龍邱寄禹門家兄

間關豈是愛遨遊不入京華入建州舊雨情深難久
別孤踪人遠易含愁歸程准買邗江棹匹馬先看薊

槐江詩鈔

卷之二

空

北秋惆悵宦情渾欲冷白雲深負故山幽

抵錢塘

舟行幾日抵江津帆影濤聲夜月新冷炙蕭騷聊對
酒孤燈飄泊易傷春閒來開卷神初發醉裏還鄉夢
未真往歲榴開曾信宿青衫猶帶壁間塵

寄世繩世綏兩兒

分陰當惜莫蹉跎老大原從少壯過年齒易乘駒隙
去人才爭似積薪多弟兄雅誼兼師友風雨禪關共
切磋時在
柏山愧我因循追悔晚垂髫故舊總鳴珂

慈蔭禪林次壁間韻

柴門鎮日關初地晝常閒雁影來雲外鐘聲出竹間
背城環綠水捲幔露青山下榻經旬久漁樵許往還

舟過錫山懷舊遊

往年曾共此停航品酒烹泉正夕陽燕到又驚新節
序嵐開不改舊山光著囊藥笈閒中課菰飯尊羹客
裏糧咫尺名園饒洞壑霎時烟雨勝瀟湘

渡江

萬頃江聲壯孤帆撥霧行浪高舟勢險風急旅魂驚
槐江詩鈔

卷之二

奎

日黑鼉鼉窟雲迷鐵甕城客心渾未定愁絕似懸旌
胡永叔讀余黃山紀遊見贈有詩次韻奉答

不道君偏酷嗜痴松關雲海興尤賒看來神秀詩難
擬話到靈奇語似誇法曲轉殘山樂鳥

山中鳥名

異香吐

出木蓮花

山有木蓮花一株

何時得屈江郎筆題盡丹峰片

片霞

鶴潭兄新館落成次韻四首

疏池成碧沼築石傍清陰雨洗堦前竹風鳴樹下琴
倦來權隱几興至任狂吟扃戶深山似庸庸未許尋

其二

月來方捲幔客至始開扉樹密雲稀到園荒草自菲
蟲聲秋唧唧翠影遠微微素有吟詩癖休文定不肥

其三

烟開三徑濶樹老半亭陰品曲聞紅豆移情賴素琴
心憑知者會句向解人吟日暮池塘上惟容小謝尋

其四

細草迷花徑橫籐繞竹扉客來携酒盞春去惜芳菲
詩思愁時拙名心悟後微牆東餘隙地新種藥苗肥

槐江詩鈔

卷之二

畜

答王桐孫侍御再疊前韻

杉巷荒涼碧蘚侵忘年誰許是知音烟波不作趨朝
夢軒冕難移愛日心雨過空江三徑寂鶯啼新綠一
庭深莫嫌疎放無拘束欲訪山公到竹林

五月初三日渡江

中流欲渡仗輕舟日暮空江起石尤蘭杜忽添騷客
淚沅湘長抱美人愁廿年書劔山間住終古金焦水
上浮戎馬中原爭戰地六朝南北此襟喉

同黃儀逋小飲

盤餐莫笑客中厨，醉後擎盃快自如。
水族吳陵稱最廣，不應還歎食無魚。

弔楚州酒人

黃諱周星字九烟前
庚辰進士官主事

銅駝愁見沒荆榛，麩蘖難藏勝國身。
生面獨開秦火後，年年淚洒海棠春。

答荆李超郡博

空林落木霜風吼，閉戶長吟嗟寡偶。
一函近自秣陵來，故舊不忘惟老友。
波瀾翻覆世人多，氣誼誰如管鮑厚。
憶昔相逢在海陵，呼盃看菊值重九。
別去俄驚槐江詩鈔

卷之二

空

廿載餘關山契濶，無由剖前年應詔到秦淮。
邂逅斜陽重握手，羈客閒分苜蓿餐。
故人競進葡萄酒，燈下悲歌歎路岐。
昔日少年今白首，歸來依舊笑蹉跎。
自分漁樵老澤藪，九天吹下鳳鸞音。
梅花一株香滿牖，篋中從此富珠璣。
人與文章俱不朽。

重過露筋祠

一棹乘風到水湄，瓣香重拜露筋祠。
鴉啼釣浦疎鐘遠，烟捲靈旗夕照遲。
矢死惟愁污粉黛，潔身真可愧鬚眉。
村翁俎豆年年舉，姓氏人間總不知。

已丑九月海陵聞簪友九姪凶耗詩以哭之
入耳方驚信未真柔腸寸斷對江鱗無香可使孤魂
返痛煞高堂半百人

其二

縱筆爲文憶暮春幾行書後墨如新從今落紙誰欣
賞寂寞庭無問字人

其三

言歸憶訂竹林遊白雁孤飛蘆荻秋惆悵河干成永
訣傷心不忍過溪頭

槐江詩鈔

卷之二

突

其四

幾度牛衣淚不乾文章遇合自艱難孤山久識多遺
草只是歸來未忍看

廣陵雙烈女詩

雙烈一爲池氏女一爲霍氏女池許字吳廷

望廷望以從軍死於粵西池聞之戴聘時簪

珥自經死霍許字李正榮受聘甫十日正榮

死霍從容靚妝扃戶自刎姑聞劃然刀落聲

倉卒走視死矣墓俱在平山廣陵紳士醵金

建祠額曰雙烈因賦是詩

雨落無返日水流無回期至性激烈由天性前後何
必遙相師哀哉兩女俠烈奇堅似金石志不移盈盈
待字良家子妬花風雨猛相欺妾身雖未奉巾櫛徒
留殘喘亦何爲簪妾聘時珠服妾聘時衣九原從良
人良人知不知在天願化比翼鳥在地願成連理枝
自古人生靡不死可憐年少雙蛾眉淚霑紅粉繯投
處血濺青衫刀落時峩峩新廟邗江上萬歲千秋式
女儀

槐江詩鈔

卷之二

宅

十月初一日作

京江圓覺精舍

初冬逢朔日飄泊住僧家壯惜身仍賤年嗟齒又加
新愁長道路舊約負烟霞愛爾江山勝吾將老歲華

其二

客有謬許拙作者余愧不敢承

鄉市風仍朴山田歲又豐魚鹽村落地舟楫往來通
書借僧房讀詩慚旅客工佛香生靜悟不用悔飄蓬

與同學吳青霞小飲

年年山館夜留賓此日相逢是故人一樹梅花一輪
月方知此會亦千春

雪霽枕江樓送東野四兄歸里兼懷鶴潭三兄
又作他鄉別其如霜雪何看君鳴棹去添我旅愁多
道路宜珍重池塘待嘯歌老梅窗外發春到舊庭柯

題清復汪公墓地錄後

公諱文言明武英殿中書舍人神光熹三朝
與楊左諸賢友善權璫忌之受禍甚慘事載
國史墓在邑之山川壇爲豪家所侵黃子仲

槐江詩鈔

卷之二

六

和訟於縣建碑立表墓賴以全作詩識之

奸邪聯結勢鴟張鈎黨紛紛出廟堂宇宙流離遭節
甫衣冠塗炭屈膺滂白楊空抱孤忠怨青史常留萬
世芳忽覩斜陽迷斷碣若敖新餒墓門荒

其二

野棠開遍北邙陰翁仲長埋慘客心窳窳未罹狐兔
穴松楸先被虎狼侵鴉啼廢壘斜陽冷鬼哭空山暮
靄深坏土幸逢江夏復一時華表矗長林

其三

佳城重復舊時觀
古戍烟深蔓草寒
血裹衣衾俱是碧
心傾忠義久成丹
清流盡逐山河破
白馬初誅廟社殘
九死不承奸佞指
孤踪耿直此爲難

其四

是非難向史書寬
公論千秋豈等閒
馬鬣又封黃葉路
幽宮早毀玉泉山

謂魏

瑞牧童日取潢
汗薦野老時

携麥飯還一自豐碑重
樹植孤墳留得在人間

答園客

一紙新詩好殷勤
惠故人名心余久淡交
誼爾能真

槐江詩鈔

卷之二

充

暑退風微爽天涼
酒漸醇欣逢重慶日
風雅聚天倫
答槎客

里入西豪盛琳瑯
滿目稠詩思清似雪
爽氣逼於秋
鴉噪空庭暮河圍
小榭幽烟波驚滿眼
處處任浮鷗

寄密山十六姪揚州

親愛隔川原關情惟小阮
分袂未半年如隔三秋遠
落第客淮南音調常悽婉
世無辨璞人那識琰與琬
傷彼谷中蘭空自芬九畹
塵埋識者稀時至良非晚
如我髻已霜遭際還淹蹇
合浦非無珠競將魚目溷

耳食滿長安欲益反先損窮達會有時讀書乃根本
積雨

積雨悵經旬晨興還未止朋好斷往來街巷盡泥滓
兀坐蕭齋中相對惟蘭芷苔痕上衣襟苔根沒屐齒
偶與古人遊會心豈故紙

其二

故紙亦陳言其中有妙理慨彼兔園生誰解嚼其旨
歲月日蹉跎醉夢胡爲爾藤蘿夾路垂蒼翠映檀几
四庫多牙籤努力從此始

槐江詩鈔

卷之二

辛

水部吳公還葬禾黎充舊穴喜賦四首

公諱懷賢明誥勅房中書舍人熹宗朝見楊
公漣劾逆璫疏擊節稱快遂加圖評旁註當
如任守忠即時安置適吳工部昌期以劾璫

還籍公遺書稱之詞多激烈對當路輒寓感
憤璫聞切齒矯旨下獄死懷宗改元子道昇
詣闕訟寃詔贈工部屯田主事事載國史歸

葬休寧之禾黎充後裔無良利鄰邑人金掘
公棺而潛售焉族裔邑諸生敬夫訴於官制

府邵大中丞令葬公棺於舊穴瑞祊見公還
葬有日幸公道之不泯因繼清復汪公墓地
之後漫賦四律

浮雲蔽盡日難明國是空餘口舌爭屈軼久成誅佞
草神羊原負觸邪名趨炎念切千鍾重赴義身看七
尺輕不信權璫驕橫日奴顏婢膝盡公卿

其二

元兇誰爲至尊除積憤曾因諫草舒宗社無靈遭黨
禍及厨何罪濫爰書賢奸義辨登朝日縞紵情殷愛
槐江詩鈔 卷之二 主
國餘豈惜一身膏斧鉞清流逐盡更躊躇

其三

萬里輿尸葬故山歸裝猶帶血衣還桁楊共憫生前
慘卹贈曾聞死後頒客到尋秋魂耿耿人來弔古淚
潛潛豺狼搨及忠臣墓殘忍難容覆載間

其四

如簧顛倒令冤沉發塚誰猶庇匪人公論初伸緣制
府幽宮終保爲名臣杜鵑夜復啼華表芳草春還長
舊津喜見忠骸歸故土瓣香重展墓門新

寄孔東塘兼憶顧湘槎陳健夫劉北固方攻士
李蒼存方葆羽王漢卓何屺瞻諸同社

舊游方在眼話別幾星霜步月憐寒夜分題憶岸堂
東堂京師寓額情因膠漆合夢隔海天長更有諸朋好紛紛
客異鄉

俞仲光花燭和吳野人韻

張敞風流可許攀銀河今復在人間洞房香暖笙歌
夜彩筆權將画遠山

其二

槐江詩鈔

卷之二

三

並蒂花開滿沼香水輪移影照銀牀晚風吹散陽臺
暑天假雙星一夜涼

賦得杏園初宴曲江頭

五色雲傳遶殿雷龍標奪自玉墀來名園杏蕊先春
放仙境華筵傍曉開鬪酒均爲同榜客拜恩齊是出
群才曲江昨夜聞新詔不醉流霞未許回

江村

避地辭城市結廬雲水傍鄉俗還上古坐論但羲皇
俯仰無他營三春蠶與桑井稅歲晏盡長歌懷杜康

釀秫以爲酒召客坐中堂舉杯談往事中情慨以慷
豈不懷馳驟前途多虎狼

游鶴林寺

古蹟憑僧話清幽我昔耽松聲傳翠靄樵語出山嵐
佛法人難仗禪機靜可叅寺常遭劫火我欲問瞿曇

其二

寺內伽藍相傳
爲米海岳先生

元章書畫癖死後遁浮屠香火僧供養伽藍事有無
衣冠猶漢服題詠遍先儒寂寞長廊下山空夜月孤

東宋牧仲中丞

時奉
督賑淮揚

槐江詩鈔

卷之二

七

曾從執戟侍 先皇才子青春早擅場倚馬仗前驚
草檄射鵰雲裡訝穿楊 朝回簪紱時聯句社集賓
朋夜舉觴風雅金臺凋落久惟君真是魯靈光

其二

宦游何處不稱賢澤徧東南感二天半世勲名千載
重幾篇詩卷一生傳文章更喜通經濟節鉞時惟寄
簡編那識丹黃唐宋外賞心還復憶松園

壽施虹玉先生次吳暈仲先生韻

不用封人祝烟霞寄歲年與居惟木石終老是林泉

其二

折節勞卿相論心賴簡編片肝嚴取與高躅邁前賢
與子生同里年年快往還每聞高士論時動野人顏
興到歌三類書成布兩間紫陽風未邈賴汝在鄉關

雲樓

樹擁招提翠欲流蓮池當日此焚修塵緣易了三生
石幻境難當七筆勾雨霽林巒增曉色風迴谿谷儼
深秋遽遽悟得莊生夢逆旅光陰可自由

內子與余同庚今四十矣郵人南歸詩以寄祝

槐江詩鈔

卷之二

七

星紀同驚四十強愧無一事慰糟糠明時屢躋青雲
路華髮空沾紫陌霜季子浪游家是客狂夫罵座醉
爲鄉半生薄福邀天嗇惟賴深閨得孟光

送師晦之古棠

藉爾趨庭暇郵書問故人浮家朱亥老

岳

旅食馬周

貧洲意氣並如菊文章各等身渡頭雙槳發月夜倍

馳神

登城看水勢

城頭一望水光白萬頃膏腴付河伯馬鬣行雨太滂

沱屏翳宜受蒼天謫田間已失九秋禾場上先沉萬
斛麥闌口難消海水深治河賈讓無長策

挽家房友兄

舌耕糊八口垂老歎長貧首著虛君賜

需次廣文梧
已十餘載

桐待日春

謂文孫
楓儀

源從伊洛共交以性情親促膝人

何在猶來徵聘頻

九月廿三夜泊二套口口占

欹枕夢初回綠林驚客起此身非我身何暇問行李

其二

槐江詩鈔

卷之二

壹

奚囊任細搜咆哮猛如虎新句等珠璣萑苻不解取
聽雁樓寄內

促織鳴階砌銀河淡欲流芙蓉開漸謝又是蓼花秋
立春前三日謝允調明府招同吳伯御汪武曹

吳荆山金禹書封彥超陳秋浦何屺瞻讌集

寓齋同人分賦

天街何處避囂塵知己相看一笑親興發綠樽緣壯
士歌翻紅豆記詞人千秋膠漆心長在四座芝蘭誼
本真醉裡可憐春又到鄉愁翻覺與年新

爲友人題扇

露冷秋高剩水痕微茫烟樹一家村蒼崖斷徑無人
跡只許清風到此門

槐江詩鈔

卷之二

十六

槐江詩鈔風塵此門

露冷秋高剩水痕微茫烟樹一家村蒼崖斷徑無人

爲友人題扇



